

第五六一冊

理學彙編

經籍典

經籍總部

河圖洛書部

(卷)

四一五

五二六

古今圖書集成

中華書局影印



古今圖書集成

中華書局影印

欽定古今圖書集成理學彙編經籍典

第四十七卷目錄

經籍總部紀事九



經籍典第四十七卷

經籍總部紀事九

金史世宗本紀大定十六年正月丙寅上與親王宰執從官從容論古今典廢事曰經籍之興其來久矣垂教後世無不盡善今之學者既能誦之必須行之然知而不能行者多矣苟不能行誦之何益女直舊風最為純直雖不知書然其祭天地敬親戚尊者老接賓客信朋友禮意款曲皆出自自然其善與古書所載無異汝輩當習學之舊風不可忘也

顯宗孝懿皇后徒單氏傳后好詩書尤喜老莊學純淡清懿造次必於禮

始祖以下諸子傳助字勉道穆宗第五子好學國人呼為秀才太宗嗣位自軍中召還與謀政事宗翰宗望定汴州受宋帝降太宗使助就軍中往勞之宗翰等問其所欲曰惟好書耳載數車而還

天會六年詔書求訪祖宗遺事以備國史命助與耶律迪越掌之助等採摭遺言舊事自始祖以下十帝綜為三卷凡部族既曰某部復曰某水之某又曰某

鄉某村以別識之凡與契丹往來及征伐諸部其間詐謀詭計一無所隱事有詳有略咸得其實皇統元年撰定熙宗尊號冊文上召助飲於便殿以玉帶賜之所撰祖宗實錄成凡三卷進入上焚香立受之賞賚有差俄同監修國史八年奏上太祖實錄二十卷賜黃金八十兩銀百兩重綵五十端絹百匹通犀玉鉤帶各一正隆二年降封金源郡王薨年五十九撰定女直郡望姓氏譜及他文甚衆大定二十年詔曰太師助諫表詩文甚有典則朕自即位所未嘗見其諫表可入實錄其射虎賦詩文等篇可鑲板行之

宗憲傳宗憲從宗翰伐宋汴京破衆人爭趨府庫取財物宗憲獨載圖書以歸朝廷議制度禮樂往往因仍遼舊宗憲曰方今奄有遼宋當遠引前古因時制宜成一代之法何乃近取遼人制度哉希尹曰而意其與我合由是器重之

梁肅傳肅幼勤學夏夜讀書往往達旦母葛氏常滅燭止之

張通古傳通古字樂之讀書過目不忘該綜經史善屬文

趙王末功傳末功沉默寡言笑勇健絕人涉書史好法書名畫

末功子瑋少孤貧客至貧不能具酒餽蔬飯共食焚香焚茗盡出藏書談大定明昌以來故事終日不聽客去樂而不厭也

丁暉仁傳暉仁冲澹寡欲讀書之外無他好遼季避難雖間關道塗未嘗釋卷

移刺履傳世宗方與儒術詔譯經史擢國史院編修

官兼筆硯直長

承暉傳暉字維明好學淹貫經史

劉樞傳同輩皆騎射獨樞刻意經史

溫迪罕緯達傳緯達該習經史以女直字出身累官國史院編修官初丞相希尹制女直字設學校使訛

萬刺等教之其後學者漸盛轉習經史故納合椿年紇石烈良弼皆由此致位宰相緯達最號精深

張行簡傳行簡字敬甫穎悟力學淹貫經史所著文章十五卷禮例纂一百二十卷會同朝獻祿祿喪葬

皆有記錄及清臺皇華戒嚴為善自公等記藏于家楊雲翼傳雲翼天資穎悟初學語輒書地作字日誦

數千言登明昌五年進士第一正大三年為禮部尚書兼侍讀明年設益政院雲翼為選首每召見賜坐

而不名時講尚書雲翼為言帝王之學不必如經生分章析句但知為國大綱足矣因舉任賢去邪與治

同道與亂同事有言逆於汝心有言遜於汝志等數條一皆本於正心誠意敷釋詳明上聽忘倦尋進龜

鑑萬年錄聖學聖孝之類凡二十篇當時朝士廷議之際多不盡言願望依違遂以成俗一日經筵畢因

言人臣有事君之禮有事君之義禮不敢齒君之路馬蹴其芻者有罰人君門則趨見君之几杖則起君

命名不俟駕而行受命不宿于家是皆事君之禮人臣所當盡者也然國家之利害生民之休戚一一陳

之則向所謂禮者特虛器耳君曰可有而否者獻其否君曰否而有可者獻其可言有不從雖引裾折檻

斷鞅輒輸有不恤焉者當是時也姑徇事君之虛禮而不知事君之大義國家何賴焉上變色曰非卿朕

不聞此言所著文集若干卷校大金禮儀若干卷續通鑑若干卷周禮辨一篇左氏莊列賦各一篇五星聚并辨一篇懸象賦一篇勾股機要象數雜說等著藏于家

趙秉文傳秉文積官至資善大夫上護軍天水郡侯正大間同楊雲翼作龜鑑萬年錄上之又因進講與雲翼共集自古治術號君臣政要爲一編以進焉秉文自幼至老未嘗一日廢書著易叢說十卷中庸說一卷揚子發微一卷太元箋贊六卷文中子類說一卷南華略釋一卷列子補注一卷刪集論語孟子解各一十卷資暇錄一十五卷所著文章號淦水集者三十卷秉文之文長于辨析極所欲言而止不以繩墨自拘七言長詩筆勢縱放不拘一律律詩壯麗小詩精絕多以近體爲之至五言古詩則沉鬱頓挫字畫則草書尤遒勁朝使至自河湟者多言夏人問秉文及王庭筠起居狀其爲四方所重如此世咸傳徒單思忠通敏有才頗通經史

忠義傳和速嘉安禮類悟博學淹貫經史

文藝傳韓昉字公美昉雖貴讀書未嘗去手

蔡珪字正甫珪之文有補正水經五篇合沈約蕭子顯魏收宋齊北魏志作南北史志三十卷續金石遺文跋尾十卷晉陽志十二卷文集五十五卷補正水經晉陽志文集今存餘皆亡

楊伯仁天性孝友讀書一過成誦

李純甫幼穎悟異常初業詞賦及讀左氏春秋大愛之遂更爲經義學擢承安二年經義進士爲文法莊周列禦寇左氏戰國策後進多宗之入翰林出倅坊

州改京兆府判官縱酒自放雖沉醉亦未嘗廢書然晚年喜佛力探其奧義自類其文凡論性理及關佛老二家者號內蘊其餘應物文字爲外蘊又解楞嚴金剛經老子莊子中庸集解鳴道集解號中國心學西方文教數十萬言以故爲名教所貶云

元德明子好問最知名年十四從陵川郝晉卿學不事舉業淹貫經傳百家六年而業成其所著文章詩若干卷杜詩學一卷東坡詩雅三卷錦機一卷詩文自警十卷晚年尤以著作自任纂修金史多本其所著云

隱逸傳郝天挺字晉卿澤州陵川人太原元好問嘗從學進士業天挺曰今人賦學以速售爲功六經百家分疎緝綴或篇章句讀不之知幸而得之不免爲庸人又曰讀書不爲藝文選官不爲利養唯通人能之

辛愿字敬之年二十五始知讀書取白氏諷諫集自試一日便能背誦乃聚書環堵中讀之至書伊訓詩河廣頗若有所省欲罷不能因更致力焉由是博極書史

循吏傳范承吉字寵之好同學雖避地未嘗廢書天眷四年從攻太原還少府監五年宗翰克宋所得金珠承吉司出入無毫髮欺及還懷車載書史而已

劉煥字德文稍長就學擁糞火讀書不怠

宇文虛中皇統六年二月唐括酬幹家奴杜天佛畱告虛中謀反詔有司鞠治無狀乃羅織虛中家圖書爲反具虛中曰死自吾分至于圖籍南來士大夫家家有之高士談圖書尤多于我家豈亦反耶有司承

順風旨并殺士談至今冤之

元史裕宗傳每與諸王近臣習射之暇輒講論經典若資治通鑑貞觀政要王恂許衡所述遼金帝王行事要略下至武經等書從容片言之間苟有允愜未嘗不爲之洒然改容

別里古台傳子塔出性溫恭謙厚好學通經史

闕里吉思傳性勇毅習武事尤篤于儒術築萬卷堂于私第日與諸儒討論經史

塔塔兒台傳子只必幼嗜讀書嘗出家藏書二千餘卷置東平廟學使學徒講肄之

按此傳附木黎華之後傳爾木之前目錄

賽典赤贈思丁傳中統十三年以所改雲南郡縣上聞雲南俗無禮儀子弟不知讀書賽典赤創建孔子廟明倫堂購經史授學田由是文風稍興

廉希憲傳希憲篤好經史手不釋卷一日方讀孟子聞召急懷以進世祖問其說遂以性善義利仁暴之旨爲對世祖嘉之目曰廉孟子

相威傳性弘毅重厚寡言笑喜延士大夫聽讀經史論古今治亂至直臣盡忠良將制勝必爲之擊節稱善至元十四年拜江南諸道行臺御史大夫二十年

以疾請入覲進譯論語通鑑帶即以賜東宮經筵講讀拜江淮行省左丞相

脫烈海牙傳仁宗在東宮知其嗜學出祔府經籍及聖賢圖像以賜時人榮之

達禮麻識理傳幼穎敏從師授經史過目輒領解耶律楚材傳三歲而孤母楊氏教之學及長博通羣書旁通天文地理律曆術數及釋老醫卜之說汴梁

下楚材命收太常禮樂生及名儒梁陟王萬慶趙著等使直釋九經進講東宮又率大臣子孫執經解義俾知聖人之道置編修所於燕京經籍所於平陽由是文治興焉

董俊傳子文直剛毅莊栗簡言笑通經史弟文忠潛邸王鶚嘗言詩因問文忠能之乎文忠曰吾少讀書惟知入則孝於親出則忠於君而已詩非所學也

楊奐傳金元帥崔立以汴京降奐微服北渡冠氏帥趙壽之即延致奐待以師友之禮門人有自京師載書來者因得聚而讀之所著有還山集六十卷天興近鑑三卷正統書六十卷行于世

汪惟正傳幼穎悟藏書二萬卷喜與文士論議古今治亂

董文炳傳子士選幼從文炳居兵間晝治武事夜讀書不輟

董士選傳士選文炳次子也宋降從文炳入宋官取宋主降表及收其文書圖籍靜重識大體秋毫無所取軍中稱之

張文謙傳文謙晚交許衡粹于理義之學家藏書萬卷

郝經傳經家貧晝則負薪米為養暮則讀書居五年為守帥張柔賈輔所知延為上客二家藏書皆萬卷經博覽無不通撰續後漢書易春秋外傳太極演原古錄通鑑書法玉衡貞觀等書及文集凡數百卷其文豐蔚豪宕善議論詩多奇崛

許衡傳衡字仲平七歲入學授章句問其師曰讀書何為師曰取科第耳曰如斯而已乎師大奇之每授

書又能問其旨義久之師謂其父母曰兒穎悟不凡他日必有大過人者吾非其師也遂辭去父母強之不能止如是者凡更三師稍長嗜學如飢渴然遭世亂且貧無書嘗從日者家見書疏義因請寓宿手抄歸既逃難徂徠山始得易王輔嗣說時兵亂中衡夜思畫誦身體而力踐之往來河洛間從柳城姚樞得伊洛程氏及新安朱氏書益大有得尋居蘇門與樞及賁默相講習凡經傳子史禮樂名物星曆兵刑食貨水利之類無所不講而慨然以道為己任家貧躬耕業熟則食粟不熟則食糠粃茹處之泰然詠誦之聲聞戶外如金石至元八年以為集賢殿大學士兼國子祭酒課誦少暇即習禮或習書筭少者則令習拜跪揖讓進退應對或射或投壺貧者罰讀書若干遍久之諸生人人自得尊師敬業下至童子亦知三綱五常為生人之道

趙良弼傳良弼言宋亡江南士人多廢學宜設經史科以育人材定律令以嚴姦吏卒皆用其議

李冶傳歲壬辰城潰治微服北渡流落忻州間聚書環堵人所不堪治處之裕如也

魏初傳初好讀書尤長於春秋為文簡而有法比冠有聲中統元年始立中書省辟為掾史兼掌書記未幾以祖母老辭歸隱居教授會詔左丞許衡學士賈默及京師諸儒各陳經史所載前代帝王嘉言善政選進讀之士有司以初應詔帝嘆獎久之即授國史院編修官

陳祐傳祖忠博究經史鄉黨皆尊而師之既沒門人謚曰茂行先生祐少好學家貧母張氏剪髮易書

使讀之長遂博通經史

申屠致遠傳致遠清修苦節聚書萬卷名曰墨莊數諸子如師友所著忍齋行彙四十卷釋奠通禮三泰杜詩纂例十卷集驗方十二卷集古印章三卷

暢師文傳師文幼警悟家貧無書手錄口誦過目不忘至元十二年丞相伯顏攻宋選為掾屬從定汴南及歸舟中惟載書籍而已十三年編平宋事蹟上之二十三年拜監察御史糾劾不避權貴上所纂熙朝請大夫知制誥同修國史至大元年修成宗實錄賜鈔一百錠不受皇慶二年復召為翰林侍讀學士中奉大夫知制誥同修國史奉旨撰王勃成道記序等文賜銀二錠不受延祐四年卒于傳舍

劉因傳因天資絕人三歲識書日記千百言過目即成誦

吳澄傳澄字幼清撫州崇仁人澄生前一日鄉父去見異氣降其家鄰妯娌復夢有物蜿蜒降其舍旁池中且以告于人而澄生三歲穎悟日發教之古詩隨口成誦五歲日受千餘言夜讀書至旦母憂其過勤節膏火不多與澄候母寢燃火復誦習九歲從郡子弟試鄉校每中前列既長於經傳皆習通之知用力聖賢之學嘗舉進士不中至元十三年民初附盜賊所在蜂起樂安鄭松招澄居布水谷乃著孝經章句校定易書詩春秋儀禮及大小戴記侍御史程鉅夫奏詔求賢江南起澄至京師未幾以母老辭歸鉅夫諱澄所著書於國子監以資學者朝廷任命有司即其家錄上元貞初遊龍興按察司經歷郝文迎至郡學

日聽講論錄其問答凡數千言行省掾元明善以文學自負嘗問澄易詩書春秋奧義歎曰與吳先生言如探淵海遂執弟子禮終其身左丞董士達延之於家親執饋食曰吳先生天下士也既入朝薦澄有道擢應奉翰林文字有司敦勸久之乃至而代者已到官澄即日南歸未幾除江西儒學副提舉居三月以疾去官至大元年召爲國子監丞先是許文正公衡爲祭酒始以朱子小學等書授弟子久之漸失其舊澄至旦燃燭堂上諸生以次受業日昃退燕居之室執經問難者接踵而至澄各因其材質反覆誘訓之每至夜分雖寒暑不易也皇慶元年陞司業用程純公學校奏疏胡文定公六學教法朱文公學校貢舉私議約之爲教法四條一曰經學二曰行實三曰文藝四曰治事未及行又嘗爲學者言朱子於道問學之功居多而陸子靜以尊德性爲主問學不本於德性則其敝必偏於言語訓釋之末故學必以德性爲本庶幾得之議者遂以澄爲陸氏之學非許氏尊信朱子本意然亦莫知朱陸之爲何如也澄一夕謝去諸生有不謁告而從之南者俄拜集賢直學士特授奉議大夫俾乘驛至京師次真州疾不果行英宗即位超遷翰林學士進階大中大夫先是有旨集善書者粉黃金爲泥寫浮屠藏經帝在上都使左丞速速詔澄爲序澄曰主上寫經爲民祈福甚盛舉也若用以追薦臣所未知蓋福田利益雖人所樂聞而輪回之事彼習其學者猶或不言不過謂爲善之人死則上通高明其極品則與日月齊光爲惡之人死則下淪污穢其極下則與沙蟲同類其徒遂爲薦拔之說

以惑世人今列聖之神上同日月何庸薦拔且國初以來凡寫經追薦不知幾舉若未效是無佛法矣若已效是誣其祖矣撰爲文辭不可以示後世請俟駕還奏之會帝崩而止泰定元年初開經筵首命澄與平章政事張珪國子祭酒鄧文原爲講官在至治末詔作太廟議者習見同堂異室之制乃作十三室未及遷奉而國有大故有司疑於昭穆之次命集議之澄曰世祖混一天下悉攷古制而行之古者天子七廟廟各爲官太祖居中左三廟爲昭右三廟爲穆昭穆神主各以次遞遷其廟之宮頗如今之中書六部夫省部之設亦倣金宋豈以宗廟敘次而不攷古乎有司急於行事竟如舊大云時澄已有去志會修英宗實錄命總其事居數月實錄成未上即移疾不出中書左丞許師敬奉旨賜宴國史院仍致朝廷勉留之意宴罷即出城登舟去中書聞之遣官驛追不及而還言於帝曰吳澄國之名儒朝之舊德今請老而歸不忍重勞之宜有所褒異詔加資善大夫仍以金織文綺二鈔五千貫賜之澄身若不勝衣正坐拱手氣融神邁各問臺臺使人渙若冰釋弱冠時嘗著說曰道之大原出于天神聖繼之堯舜而上道之元也堯舜而下其亨也洙泗鄒魯其利也濂洛關閩其貞也分而言之上古則羲皇其元堯舜其亨禹湯其利文武周公其貞乎中古之統仲尼其元顏曾其亨子思其利孟子其貞乎近古之統周子其元程張其亨也朱子其利也孰爲今日之貞乎未之有也然則可以終無所歸哉其早以斯文自任如此故出登朝署退歸于家與郡邑之所經由士大夫皆迎請執業而

四方之士不憚數千里躡蹻負笈來學山中者常不下千數百人少暇即著書至將終猶不置也於易春秋禮記各有纂言盡破傳註穿鑿以發其蘊條歸記叙精明簡潔卓然成一家言作學基學統二篇使人知學之本與爲學之序尤有得於邵子之學校定皇極經世書又校正老子莊子太元經樂律及八陣圖郭璞葬書初澄所居草屋數間程鉅夫題曰草廬故學者稱之爲草廬先生
曹元用傳元用資稟俊爽幼嗜書一經目輒成誦每夜讀書常達曙不寐父憂其致疾止之輒以衣蔽窗默觀之詩文四十卷號稱超然集
齊履謙傳履謙七歲讀書一過即能記憶家貧無書及爲星曆生在太史局會秘書監釐亡宋故書留置本院因晝夜諷誦深究自得故其學博洽精通自六經諸史天文地理禮樂律曆下至陰陽五行醫藥卜筮無不淹貫九精經籍
張養浩傳養浩年方十歲讀書不輟父母憂其過勤而止之養浩晝則默誦夜則閉戶張燈竊讀山東按察使焦遂聞之薦爲東平學正游京師獻書於平章不忽木奇之薦爲御史臺歷陝西行臺中丞
張思明傳思明穎悟過人讀書日記千言校書三萬七千餘卷尤明於律與謝仲和曹鼎新同稱三絕
梁曾傳延祐元年奉詔代祀中岳等神還至汴梁以病不復職寓居淮南杜門不通賓客惟日以書史自娛
王約傳約性穎悟風格不凡從中丞魏初游博覽經史

王結傳結生而聰穎讀書數行俱下終身不忘
耶律希亮傳希亮雖疾病不廢書史或中夜起坐取
燭以書所著詩文及從軍紀行錄三十卷目之曰憐
軒集

孔思晦傳思晦字明道孔子五十四世孫也資質端
重而性簡默童弗時讀書已識大義及長授業於導
江張頴講求義理於詞章之習薄而弗爲家貧躬耕
以爲養雖劇寒暑而爲學未嘗懈遠近爭聘爲子弟
師仁宗在位雅崇尚儒道一日問孔子之裔今幾世
襲爵爲誰廷臣具對曰未定帝親取孔子譜牒按之
曰以嫡應襲封者思晦也復奚疑特授中議大夫襲
封衍聖公至順二年改賜三品請置尼山書院以列
於學官朝廷從之

元明善傳明善早以文章自豪出入秦漢間晚益精
詣有文集行世初在江西金陵每與虞集劇論以相
切劘明善言集治諸經惟朱子所定者耳自漢以來
先儒所嘗盡心者考之殊未博集亦言凡爲文辭得
所欲言而止必如明善云若雷霆之驚震鬼神之靈
變然後可非性情之正也

虞集傳集爲翰林直學士有旨采輯本朝典故倣唐
宋會要修經世大典命集與中書平章政事趙世延
同任總裁集言禮部尙書馬祖常多聞舊章國子司
業楊宗瑞素有曆象地理記問度數之學可共領典
翰林修撰謝端應奉蘇天爵太常李好文國子助教
陳旅前詹事院照磨宋裴通事舍人王士點俱有見
聞可助撰錄庶幾是書早成帝以嘗命修遼金宋三
史未見成績大典令閣學士專率其屬爲之既而以

累朝故事有未備者請以翰林國史院修祖宗實錄
集專領其事再閱歲書乃成凡八百帙平生爲文萬
篇彙行者十三

揭傒斯傳幼貧讀書尤刻苦晝夜不少懈父子自爲
師友由是貫通百氏早有文名

黃潛傳潛之學博極天下之書而約之於至精剖析
經史疑難及古今因革制度名物之變旁引曲證多
先儒所未發所著書有日損齋集三十三卷義烏志
七卷筆記一卷

涪同郡柳貫字道傳自幼至老好學不倦凡六經百
氏兵刑律曆數術方技異教外書靡所不通所著書
有文集四十卷字系二卷近思錄廣輯三卷金石竹
帛遺文十卷

吳萊字立夫天資絕人七歲能文凡書一經目輒成
誦嘗往族父家日易漢書一帙以去族父迫扣之萊
琅然而誦不遺一字三易他編皆如之衆驚以爲神
延祐七年以春秋舉上禮部不利退居深裏山中益
窮諸書與旨著尙書標說六卷春秋世變圖二卷春
秋傳授譜一卷古職方錄八卷孟子弟子列傳二卷
楚漢正聲二卷樂府類編一百卷唐律刪要三十卷
文集六十卷他如詩傳科條春秋經說胡氏傳證誤
皆未脫藁

歐陽元傳元字原功幼岐嶷母李氏親授孝經論語
小學諸書八歲能成誦始從鄉先生張貫之學日記
數千言即知屬文弱冠下帷數年人莫見其面經史
百家靡不研究伊洛諸儒源委尤爲淹浹延祐元年
詔設科取士元以尙書與貢致和元年遷翰林待制

兼國史院編修官明年初置奎章閣學士院又置藝
文監隸焉皆選清望官居之文宗親視元爲藝文少
監奉詔纂修經世大典陞太監檢校書籍元統元年
拜翰林直學士編修四朝實錄至元五年拜翰林學
士詔修遼金宋三史召爲總裁官發凡舉例俾論撰
者有所據依史官中有悻悻露才論議不公者元不
以口舌爭俟其呈藁援筆擬定之統系自正至於論
贊表奏皆元屬筆帝以元歷仕累朝且有修三史功
論旨丞相趙授爵秩遂擬拜翰林學士承旨及入奉
上稱快者再三有圭齋文集若干卷

宋本傳本字誠夫自幼穎悟拔異羣兒既成童聚經
史窮日夜讀之句探字索必通貫乃已至治元年賜
進士及第文宗開奎章閣置藝文監檢校書籍歷集
賢直學士著有至治集四十卷行於世

王守誠傳守誠字君實太原陽曲人泰定元年進十
授祕書郎遷太常博士續編太常集禮若干卷轉藝
林庫使與著經世大典除奎章閣監書博士拜禮部
尙書與修遼金宋三史書成擢參議中書省事進行
省左承有文集若干卷

李好文傳好文字惟中大名東明人至治元年進十
泰定四年除太常博士詔爲集禮白長院者選僚屬
數人仍請出架閣文牘以資採錄三年書成凡五十
卷名曰太常集禮遷國子博士歷禮部尙書與修遼
金宋史除治書御史仍與史事歷太常禮儀院使帝
開端本堂命皇太子入學命好文以翰林學士兼諭
德好文言欲求二帝三王之道必由於孔氏其書則
孝經大學論語孟子中庸乃摘其要略釋以經義又

取史傳及先儒論說有關治體而協經旨者加以所見倣其德秀大學衍義之例爲書十一卷名曰端本堂經訓要義奉表以進詔付端本堂令太子習焉好文又集歷代帝王故事總百有六篇一曰聖憲如漢孝昭後漢明帝幼敏之類二曰孝友如舜文王及唐元宗友愛之類三曰恭儉如漢文帝却千里馬罷露臺之類四曰聖學如殷宗緝學及陳隋諸君不善學之類以爲太子問安餘暇之助又取古史自三皇迄金宋歷代授受國祚久速治亂興廢爲書曰大寶錄又取前代帝王是非善惡之所當法當戒者爲書名曰大寶鑑鑑皆錄以進焉陞翰林學士承旨十六年復上書皇太子其言曰臣之所言即前日所進經典之大意也殿下宜以所進諸書參以貞觀政要大學衍義等篇果能一一推而行之則萬幾之政太平之治不難致矣皇太子深敬禮而嘉納之

李洞傳洞字概之滕州人始從學即穎悟強記歷奎章閣承制學士既爲帝所知遇乃著書曰輔治篇以進文宗嘉納之會詔修經世大典洞方臥疾即強起曰此大制作也吾其可以不預力疾同修書成既進奏旋告歸復除翰林直學士有文集四十卷
蘇天爵傳天爵字伯修真定人也預修武宗文宗實錄歷集賢侍講學士國子監祭酒天爵爲學博而知要長於紀載嘗著國朝名臣事略十五卷文類七十卷其爲文長於序事平易溫厚成一家言而詩尤得古法有詩藁七卷文藁三十卷於時中原前輩凋謝殆盡天爵獨身任一代文獻之寄討論辯雖老不倦晚歲復以釋經爲己任學者因其所居稱之爲滋

溪先生其他所著文有松廳章疏五卷春風亭筆記二卷遼金紀年黃河原委未及脫藁云
王克敬傳克敬字叔能大寧人歷江浙參政喜讀書其有所得者輒抄爲書所著詩文奏議傳於世

李稷傳稷字孟幽滕州人幼穎敏八歲能記誦經史從其父官袁州師夏鎮又從官鈐山師方回孫鎮回孫皆名進士長於春秋稷兼得其傳歷集賢大學士成遵傳遵字宜叔南陽穰縣人幼敏悟日記數千百言郡中先輩無治進士業者遵欲爲以不合程式爲患一日憤然曰四書五經吾師也文無逾於史漢韓柳區區科舉之作何難哉中進士第授國史院編修官預修泰定明宗文宗三朝實錄歷中書左丞
曹鑑傳鑑字克明宛平人穎悟過人舉止異常見既冠南遊具通五經大義歷禮部尚書家無餘貲唯著書數千卷皆鑑手校定鑑爲詩賦尚騷雅作文法西漢每篇成學者爭相傳誦有文集若干卷藏於家
張翥傳翥字仲舉晉寧人少時負其才倚豪放不羈好蹴鞠喜音樂其父以爲憂翥翻然曰今請易業矣乃謝客閉門讀書晝夜不暫輟至正初朝廷修遼金宋三史起爲翰林國史院編修官史成歷祭酒有以經義請問者必歷舉衆說爲之折衷論辨之際難以談笑無不厭其所得而後已歷翰林學士承旨所爲詩文甚多其遺藁不傳其傳者有律詩樂府僅三卷翥嘗集兵興以來死節死事之人爲書曰忠義錄識者趨之
烏古孫良楨傳良楨字幹卿資器絕人好讀書歷治書侍御史陞左丞兼大司農卿嘗論至正格輕重不

倫吏得爲奸舉明律者數人叅酌古今重定律書有詩文奏議凡若干卷藏于家
吳當傳當字伯尚澄之孫也當精通經史百家言以父文陸授國子助教會詔修遼金宋三史當預編纂書成除翰林院修撰歷江西肅政廉訪使攻撫州勦殺首寇是時參知政事朵歹忌當屢捷構爲飛語朝廷責當左遷陳友諒陷江西當乃戴黃冠著道士服杜門不出日以著書爲事所著書有周禮纂言及學

言業
儒學傳趙復字仁甫德安人也太宗伐宋德安民俘數無遺時楊惟中行中書省軍前姚樞奉詔即軍中求儒道釋醫卜士凡儒生掛俘籍者輒脫之以歸復在其中樞與之言信奇士先是南北道絕載籍不相通至是復以所記程朱所著諸經傳註盡錄以付樞自復至燕學子從者百餘人惟中間復議論始嗜其學乃與樞謀建太極書院立周子祠以二程張楊游朱六君子配食選取遺書八千餘卷請復講授其中復以周程而後其書廣博學者未能貫通乃原義農堯舜所以繼天立極孔子顏孟所以垂世立教周程張朱所以發明紹續者作傳道圖而以書目列于後別著伊洛發揮以標其宗旨朱子門人散在四方則以見諸登載與得諸傳聞者共五十有三人作師友圖以寓私淑之志又取伊尹顏淵言行希賢錄使學者知所嚮慕然後求端用力之方備矣樞既退隱蘇門乃復傳其學由是許衡郝經劉因皆得其書而尊信之北方知有程朱之學自復始
張翥字達善蜀人寓江左金華王柏得朱熹三傳之

學嘗講道于台之上蔡書院襲從而受業焉自六經語孟傳註以及周程張氏之微言朱子所嘗論定者靡不潛心玩索究極根柢有經說及文集行世

金履祥字吉父婺之蘭溪人其先本劉氏後避吳越錢武肅王嫌名更為金氏履祥幼而敏膺父兄稍授之書即能記誦比長益自策勵凡天文地形禮樂田

乘兵謀陰陽律曆之書靡不畢究及壯知向濂洛之學事同郡王柏從登何基之門基則學於黃幹而幹親承朱熹之傳者也自是講貫益密造詣益達嘗謂

司馬光作資治通鑑祕書丞劉恕為外紀以記前事不本於經而信百家之說是非謬於聖人不足以傳

信自帝堯以前不經夫子所定固野而難質夫子因魯史以作春秋王朝列國之事非有玉帛之使則魯史不傳而書非聖人筆削之所加也况左氏所記或

闕或誣凡此類皆不得以辟經為辭乃用邵氏皇極經世曆胡氏皇王大紀之例損益折衷一以尚書為主下及詩禮春秋旁採舊史諸子表年繫事斷自唐

竟以下接于通鑑之前勒為一書二十卷名曰通鑑前編凡所引書輒加訓釋以裁正其義多儒先所未發既成以授門人許謙曰二帝三王之盛其微言懿

行宜後王所當法戰國申商之術其苛法亂政亦後王所當戒則是編不可以不著也他所著書曰大學章句疏義二卷論語孟子集註考證十七卷書表註

四卷謙為益加校定皆傳於學者天曆初廉訪使鄭允中表上其書於朝學者稱為仁山先生

許謙字益之金華人數歲而孤甫能言世母陶氏口授孝經論語入耳輒不忘稍長肆力於學立程自課

取四部書分晝夜讀之雖疾恙不廢受業金履祥之門於書無不讀窮探聖微雖殘文義語皆不敢忽有不可通則不敢強於先儒之說有所未安亦不苟同

也讀四書章句集註有叢說二十卷讀詩集傳有名物鈔八卷讀書集傳有叢說六卷其觀史有治忽幾微做史家年經國緯之法起太皞氏迄宋元祐元年

秋九月又有自省編畫之所為夜必書之其他若天文地理典章制度食貨刑法字學音韻醫經術數之說亦靡不該貫旁及釋老之言亦洞究其蘊又嘗句

讀九經儀禮及春秋三傳於其宏綱要領錯簡衍文悉別以鉛黃朱墨意有所明則表而見之其後吳師道購得呂祖謙點校儀禮視謙所定不同者十有三

條而已謙不喜於露所為詩文非扶翼經義張維世教則未嘗輕筆之書也世稱為白雲先生

陳櫟字壽翁徵之休寧人生三歲祖母吳氏口授孝經論語輒成誦五歲入小學即涉獵經史宋七科舉廢櫟慨然發憤致力于聖人之學涵濡玩索貫穿古今嘗以謂有功于聖門者莫若朱熹氏熹歿未久而

諸家之說往往亂其本真乃著四書發明書傳纂疏禮記集義等書亡慮數十萬言凡諸儒之說有畔於朱氏者刊而去之其微辭隱義則引而伸之而其所

未備者復為說以補其闕於是朱熹之說大明於世延祐初以科舉取士鄉閭中選不復赴禮部教授於家櫟所居堂曰定宇學者以定宇先生稱之卒年八

十二揭傒斯誌其墓乃與吳澄並稱曰澄居通都大邑又數登用於朝天下學者四面而歸之故其道遠而章尊而明櫟居萬山間與木石居而足跡未嘗出

理學彙編經籍典第四十七卷經籍總部

鄉里故其學必待其書之行天下乃能知之及其行也亦莫之禦是可謂豪傑之士矣世以為知言

胡一桂字庭芳徽州婺源人父方平一桂生而穎異好讀書尤精於易方平嘗著易學啓蒙通釋一桂少

學出於方平得朱熹氏源委之正宋景定甲子一桂年十八領鄉薦試禮部不第退而講學遠近師之雙湖先生所著書有周易本義附錄纂疏本義啓蒙翼傳朱子詩傳附錄纂疏十七史纂並行於世

同郡胡炳文字仲虎亦以易名家作易本義通釋而於朱熹所著四書用力尤深作四書通學者稱雲峰先生

黃澤傳澤字楚望生有異質慨然以明經學道為志蜀人治經必先古注疏澤於名物度數考覈精審一宗程朱作易春秋二經解三禮祭祀述略夢夫子手授所較六經字畫如新由是深有感發始悟所解經多徇舊說為非是乃揭六經中疑義千有餘條以示

學者於是易春秋傳注之失詩書未決之疑周禮非聖人書之謗凡數十年苦思而未通者皆渙然冰釋各就條理故於易以明象為先以孔子之言上求文王周公之意為主而其機括則盡在十翼作十翼舉

要忘象略辯同論於春秋以明書法為主其大要則在考覈三傳以求向上之功而脈絡盡在左傳作三傳義例考筆削本旨又作元年春王正月辨諸侯娶

女立子通考魯隱公不書即位義殷周諸侯禘祫考周廟太廟單祭合食說丘甲辯凡十餘通又作易學

濫觴春秋指要示人以求端用力之方其于禮樂則謂鄭氏深而未完王肅明而實淺作禮經復古正言

第五六一冊 之〇四葉

其辯釋諸經要旨則有六經補注詁排百家異義則有翼經罪言近代覃思之學推澤爲第一

蕭軒字惟斗奉元人讀書南山者三十年製一革衣由身牛以下及臥輒倚其榻玩誦不少置于是博極羣書天文地理律曆算數靡不研究侯均謂元有天下百年惟蕭惟斗爲識字人大德十一年拜右諭德入覲東宮書酒誥爲獻以朝廷時尚酒故也俄除祭酒所著有禮說小學標題駁論九州志及勤齋文集行于世

侯均者亦奉元人父母早亡獨與繼母居賣薪以給奉養積學四十年羣經百氏無不淹貫旁通釋老外典每讀書必熟誦乃已嘗言人讀書不至千遍終於己無益故其答諸生所問窮索極探如取諸篋笥名振關中學者宗之雖方言古語世所未曉者莫不隨問而答世服其博聞

同恕字寬南安靜端凝羈弗如成人從鄉先生學日記數千言年十三以書經魁鄉校歷集賢侍讀學士家無儋石之儲而聚書數萬卷扁所居曰渠菴時蕭軒居南山下亦以道高當世入城府必至恕家士論稱之曰蕭同著渠菴集三十卷

恕弟子居仁字士安幼師蕭軒弱冠從恕受業博通經史致力農畝而學徒滿門

胡長孺字汲仲婺州永康人祖巖起嘉定甲戌進士父居仁淳祐丁未進士至長孺其學益大振九經諸史下逮百氏名墨縱橫旁行敷落律令章程無不包羅而揆序之所著書有瓦缶編南昌集淮海漫抄顏樂齋彙行于世

熊朋來字與可豫章人宋咸淳進士宋亡隱處州里受學者常百數十人取朱子小學書提其要領以示之學者家傳其書幾遍天下與羣賢講論經義無虛日儒者咸倚以爲重焉以周禮首薦鄉郡諸經中三禮尤深言禮學者咸推宗之有家集三十卷其大者明乎禮樂之事關於世教其餘若天文地理方技名物度數靡不精究

牟應龍字伯成幼警敏過人日記數千言父熾爲大理少卿宋亡一門父子自爲師友討論經學以義理相切磨於諸經皆有成說惟五經音攷盛行於世陳孚字剛中幼俊穎讀書過目輒成誦終身不忘至元中以布衣上大一統賦有文集行於世

攸州馮子振豪俊與乎略同平極敬畏之自以爲不可及子振於天下之書無所不記

董朴字太初順德人自幼強記歷翰林修撰朴所爲學自六經及孔孟微言與凡先儒所以開端闡幽者莫不研極其旨而會通之

楊載字仲弘杭人少孤博涉羣書召爲翰林院編修官與修武宗實錄延祐初登進士名動京師凡所撰述人多傳誦之

韓性字明善七歲讀書數行俱下日記萬言九歲通小戴禮作大義授筆立就文意蒼古及長博綜羣籍自經史諸子百氏靡不極其津涯究其根底而於先儒性理之說尤造其闡域所著有禮說四卷詩音釋一卷書辨疑一卷郡志八卷文集十二卷

程端禮字敬叔幼穎悟能記誦六經曉晰大義所著有讀書工程國子監以頒示郡邑校官爲學者式

吳師道字正傳婺州蘭溪人自羈傭知學即善記覽工詞章因讀宋儒真德秀書幡然有志於爲己之學所著有易詩書雜說春秋胡傳附辨駁國策校註敬鄉錄及文集二十卷

陸文圭字子方江陰人幼而穎悟讀書過目成誦終身不忘博通經史百家及天文地理律曆醫藥算數之學咸淳初以春秋中鄉選爲文融會經傳縱橫變化莫測其涯際東南學者皆宗師之有牆東類藁二十卷

文圭同里梁益字友直博洽經史而工於文辭所著書有三山叢詩緒餘史傳姓氏纂又有詩傳旁通發揮朱熹氏之學爲精

周仁榮字本心台州臨海人父敬孫初金華王柏以朱熹之學主台之上蔡書院敬孫師事之受性理之旨嘗著易象占尚書補遺春秋類例仁榮承其家學治易禮春秋而工爲文章泰定初召拜國子博士歷集賢待制

仁榮同郡孟夢何字長文黃巖人講解經旨體認精切著有性理本旨四書辨疑漢唐會要七政疑解及筆海雜錄五十卷

陳旅字衆仲興化莆田人幼孤篤志於學於書無所不讀歷國子監丞有文集四十卷

李孝光字季和溫州樂清人少博學篤志復古至正七年以秘書監著作郎召見於宣文閣進孝經圖說帝大悅賜上尊明年陞秘書監丞有文集二十卷

字文公諱字子貞吳興人通經史百氏言至順四年進士歷國子助教日與諸生辨析諸經六館之士資

其陶甄者往往出爲名臣歷嶺南廉訪司僉事所著
有折桂集觀光集辟水集以齋詩藥玉堂漫藁越中
行藁凡若干卷

伯顏一名師聖字宗道生三歲常以指畫地或三或六若爲卦者六歲從里儒授孝經論語卽成誦早喪父其兄曲出買經傳等書以資之日夜誦不輟長受業宋進士建安黃坦久之坦辭曰余不能爲爾師羣經有朱子說具在歸而求之可也弱冠卽以斯文爲己任其於大經大法粲然有覩而心所自得每出於意言之表至正四年以隱士授翰林待制預修金史爲江西廉訪食事以病免還與賊遇不屈死平生修輯六經多所著述皆燬於兵

贈思字待之生九歲日記古經傳至千言比弱冠以所業就正於翰林學士承旨王思廉之門由是博極羣籍天曆三年召爲應奉翰林文字賜對奎章閣文宗問曰卿有所著述否明日進所著帝王心法文宗稱善詔預修經世大典以論議不合求去歷江東廉訪副使贈思遽於經而易學九深至於天文地理鍾律算數水利旁及外國之書皆究極之家貧餽粥或不繼其考訂經傳常自樂也所著述有四書闕疑五經思問奇偶陰陽消息圖老莊精詣鎮陽風土記續東陽志重訂河防通議西國圖經西域異人傳金哀宗記正大諸臣列傳審聽要訣及文集三十卷藏於家

循吏傳耶律伯堅字壽之爲澤州長官大修孔子廟
割田千畝置書萬卷迎儒士李俊民爲師以招延四
方來學者不五六年學之士子以通經被選者百二

十有二人

忠義傳合刺普華習畏兀書及經史記誦精敏出於天性

拜住康里人字聞善累官太子司經兵至拜住曰生長中原讀書國學可不知大義乎遂赴井死家人瘞之舍東悉以其書籍焚之爲殉云

本附見聞

趙弘毅子仁卿真定晉州人少好學家貧無書備于
巨室晝則爲役夜則借書讀之或閱其志但使總其
事而不役焉嘗受經於臨川吳澄始辟翰林書寫再
轉爲國史院編修官

鄭玉字子美徽州歙縣人幼敏悟嗜學旣長覃思六經尤邃於春秋絕意仕進而勤於教學者門人受業者衆所居至不能容學者相與卽其地構師山書院以處焉玉旣不仕日以著書爲事著有周易集註

隱逸傳杜瑛字文玉霸州信安人金將亡避地河南
緱氏山中時文物凋喪瑛搜訪諸書盡讀之讀輒不
忘而究其指趣古今得失如指諸掌所著書曰春秋
地理原委十卷語孟旁通八卷皇極引用八卷皇極
疑事四卷極學十卷律呂律曆禮樂雜志三十卷文
集十卷

張特立字文舉東明人泰和進士拜監察御史歸田里通程氏易教授諸生世祖在潛邸受王印傳旨諭特立曰前監察御史張特立養素丘園易代如一年

幾七十研究聖經可賜號中庸先生名其讀書之堂曰麗澤所著書有易集說曆年係事記

杜本字伯原清江人博學善屬文隱武夷山至正二

年召爲國史院編修官固辭不行平居書冊未嘗釋手天文地理律曆度數靡不通究所著有四經表義六書通編十原等書學者稱爲清碧先生

張樞字子長婺之金華人幼聰慧外家潘氏蓄書數萬卷樞盡取而讀之過目輒不忘肆筆成章頃刻數千言有問以古今沿革政治得失宇宙之分合禮樂之興廢以至帝號官名歲月先後歷歷如指諸掌其爲文務明經史以扶翼教道尤長於敘事嘗取三國時事撰漢本紀列傳附以魏吳載記爲續後漢書七十三卷臨川危素稱其立義精密可備勸講朝廷取其書置宣文閣至正三年命儒臣纂修遼金宋三史右丞相脫脫以監修領都總裁辟樞本府長史力辭不拜七年申命史臣纂修本朝后妃功臣傳復以翰林修撰儒林郎同知制誥兼國史院編修官召樞俾與討論復避不就使者強之行至杭州固辭而歸嘗著春秋三傳歸一義三十卷刊定三國志六十五卷林下竊議曲江張公年譜各一卷敝帚編若干卷何中宇太虛撫之樂安人少穎拔以古學自任家有藏書萬卷手自校讎其學弘深該博廣平程鉅夫潘河元明善柳城姚燧東平王構同郡吳激揭傒斯皆推服之所著有易類象二卷書傳補遺十卷通鑑綱目測海三卷知非堂葉十七卷

同郡危復之字見心宋末爲太學生師事湯漢博覽羣書好讀易尤工於詩屢徵弗起

輟耕錄莊夢蘊住松江府上海縣青龍鎮嘗爲宋
祕書小史其家蓄書數萬卷且多手抄者經史子集
山經地志醫下方伎稗官小說靡所不具書目以用

乙分十門夢塘既沒子孫不知保惜或爲蟲鼠蝕齧或爲鄰識盜竊或供飲博之需或應餽覆之用編帙散亂所存無幾至正六年朝廷開局修宋遼金三史詔求遺書有以書獻者予一官江南藏書多者止三家莊其一也繼命危學士太模素特來選取其家慮恐兵遽圖識干犯禁條悉付祝融氏及收拾燼餘存者又無幾矣其孫羣玉悉載入京覬領恩澤宿留日久仍布衣而歸書之不幸如此

松江府志朱文石大韶藏書甚富多宋板鈔本後散落人間皆有朱氏印記一時收藏家文石及何柘湖外又有董柏山重價購書校讎詮次朱鉛不去手董紫岡張王屋有疑必就相質亦博物君子也

孫道明字明叔華亭人好古藏書萬卷遇祕本輒手自抄錄嘗築映雪齋延接四方名士較閱藏書爲樂嘗與陶宗儀共泛宗儀有記

蘇州府志張雯字子昭少力學嗜書所居臨市衢構樓藏書日事繕閱于時宋亡已久故老猶存雯從之問遺事得其詳

研北雜志徐明叔家書樓榜曰五經藏

欽定古今圖書集成理學彙編經籍典

第四十八卷目錄

經籍總部紀事十

經籍典第四十八卷

經籍總部紀事十

明外史懿文太子標傳懿文太子標太祖第一子也太祖爲吳王立爲王世子從宋濂受經吳元年年十三矣命省臨濂墓論曰商高宗舊勞于外周成王早聞無逸之訓皆知小民疾苦故在位勤勞爲守成令主兒生長富貴習于晏安今出旁近郡縣遊覽山川經歷田野其因道途險易以知鞍馬勤勞觀閭閻生業以知衣食艱難察民情好惡以知風俗美惡卽祖宗所居訪求父老問吾起兵渡江時事識之于心以知吾創業不易洪武元年正月立爲皇太子建大本堂取古今圖籍充其中徵四方名儒教太子諸王分番入直選才俊之士充伴讀帝時時賜宴賦詩商榷古今評論文字無虛日又命東官及王府官編輯古人行事可爲監戒者訓諭太子諸王十年令自今政事並啓太子處分然後奏聞時令儒臣爲太子講大學衍義

周定王楠傳鎮平王有熾周定王第八子嗜學工詩

兼通書畫靡所不習一日讀中庸默有悟解作道統論數萬言又采歷代公族賢者自夏五子迄元真金百餘人作賢王傳若干卷有得善齋詩集

鎮國中尉睦樺字灌甫鎮平王諸孫睦樺姪十四月而生及長被服儒素專精經學通五經尤邃于易春秋謂本朝經學一稟宋儒古人經解殘缺放失乃訪求諸海內通儒繕寫藏弃若李鼎祚易解張洽春秋傳皆叙而傳之築室東坡之上延招學徒與其研席聲名籍甚呂柟與論易嘆服而去萬曆五年舉文行卓異爲周藩宗正邸中大製作皆出其手修河南通志撰中州人物志中州之文獻徵焉領宗學約宗生以三六九日午前講易詩書午後講春秋禮記雖盛寒暑不輟命諸生刺舉同異撰五經稽疑六卷授經圖傳四卷觀陶九成前元十九帝統系作大明帝世表周國世系表感建文紀錄失實作遜國褒忠錄合沈約吳械韻舉正謬訛作韻譜五卷又作河南通志開封郡志其詩文有坡上集二十卷近代藏書之富推江都葛氏章丘李氏睦樺傾貲購之起萬卷堂風誦其中竭四十年之力丹鉛歷然論者以漢劉向方之

魯荒王檀傳奉國將軍健根鉅野恭定王陽鑒諸孫博通經術于鎮國中尉觀矩字中立嘗繪太平圖上獻世宗嘉獎之賜承訓書院名額并五經諸書所著濟美堂叢書法權輿若干卷又集齊魯詩爲海嶽靈秀集同時鉅野中尉頤堦字育甫安丘將軍頤墉字冕甫皆個儔有逸才二甫之名滿天下頤墉著元同館集頤堦著亦霞館集而樂陵王頤堦亦喜稱詩著

東魯勝槩四卷安丘王當選曾孫頤堦博雅多聞一意輟暇年踰七十猶手不廢書

蜀獻王椿傳椿太祖第十一子博綜典籍咨止都雅帝戲呼爲蜀秀才

湘獻王柏傳柏太祖第十二子粹美嗜學讀書至夜分篝燈警枕精思入微開景元閣招納俊乂日事校讎志在經國每出入縹囊載書以自隨遊勝境輒徘徊終日勒石紀事平居於儒書外尤善道家言自號紫虛子

代簡王桂傳靈丘王遜烓代簡王六子也宣宗時封好學手不釋卷子仕塲至聰漏三代皆以孝旌聰瀉子俊格善屬文聚書數萬卷

寧獻王權傳權太祖第十七子構精廬一區鼓琴讀書其間日與文士相往還嘗奉勅輯通鑑博論二卷又作家訓六篇寧國儀範七十四章漢唐祕史二卷史斷一卷文譜八卷詩譜一卷其他註纂數十種經于九流星曆醫卜黃治諸術皆具

鎮國中尉謀璋祖拱樞輔國將軍嘗作家訓一章以誨宗人父多燼奉國將軍端謹好經術親課謀璋經史謀璋東修自好貫串羣籍通曉朝家典故諸王子孫好學敦行自周藩中尉睦樺而外莫及謀璋者典藩政三十年宗人咸就約束暇則墮戶讀書著易象通八卷詩故十卷春秋載記魯論箋各三十卷金海百二十卷異林十六卷駢雅二卷水經註箋四十卷古文奇字輯解六書本義說文舉要若干卷書凡百十有二種皆手自繕寫病革猶與諸子說易至夜分有星光大如斗墜里中樓鳥皆悲鳴越二日而逝

奉國將軍多燭字中美瑞昌王五世孫澹雅好學與弟多燉孝友篤至是時羣從多燭多灼以秉禮嚴重見稱多燉多燭以慷慨好施動遠近多燉多燭多灼則用詞賦結客皆聲譽顯著而多燭與從兄多燊獨杜門却掃購異書數萬卷耽玩校讎以爲樂

輔國將軍多燭四子皆莊謹有父風子謀圻孫統錯尤嗜學各聚書十餘萬卷手自校讎

唐定王極傳三城王芝堽博極羣書弘治二年勅賜五經四書管御書樓範易洞著進修彙若干卷

成王彌錦肆力經史被服儒素與賢士大夫遊著彙天小彙并家教若干卷

文成王彌鉗類哲儉素博學好賓客著宗訓直言秋江詞謙光堂集

彌飯承休王芝瓊子折節喜儒雅彙古法書名曰復齋集古法帖又著存齋樂府復齋錄十餘卷子字淵字淵子宙枚好學識典故著皇明統宗繩繫錄

輔國將軍字決五歲喪明從師畫堂識文字以耳受書日記千言博通羣籍多習國家典故著名獻錄辨疑碑各一卷

秀王見澍傳見澍英宗第六子成化六年就藩汝寧長史劉誠獻千秋日鑒錄見澍朝夕誦之王居隘左右請遷文廟廣之見澍不聽曰居近學宮時聞絃誦聲固不美乎論書至西伯戡黎長史誠主吳氏說曰

戡黎者武王也右史趙銳主孔氏說曰實文王事爭之失色見澍曰經義未有定論不嫌往復若是非先

皇帝簡二先生意也

岐惠王祐檣傳祐檣性儉約好書史子莊王厚煜性

朴素外物無所嗜宦寺女御亦令讀書

衡恭王祐檣傳新樂王載璽祐檣孫也博雅善文詞嘉靖中著丁巳同封錄一卷索諸藩所纂述得數十種梓而傳之曰綺合繡揚集又撰洪武聖政頌呈明政要樓居田居藥夢散神覽諸集多可傳者

劉基傳基幼穎異于經史無不通貫所爲文章氣昌而奇與宋濂並爲一代之宗云次子璟字仲璟弱冠通五經

宋濂傳濂字景溪幼英敏善記有鄉先生延見之抽架上雜書俾記五百言濂以指按行按畢成誦鄉先生大驚攜就學于聞人夢吉所通五經其友胡翰曰

舉子業不足溷景溪蓋學古文辭乎乃往從吳萊學已游柳貫黃潛之門兩人皆大儒急遜濂自謂弗如

元至正中薦授翰林編修辭不行入龍門山著書踰十餘年太祖取婺州召見除江南儒學提舉兼命授

太子經尋改起居注書召講春秋左氏傳濂進曰春秋乃孔子褒善貶惡之書苟能遵行則賞罰適中天

下可定也太祖御端門口釋黃石公三略濂進曰尚書二典三謨帝王大經大法畢具願畱意講明之太

祖稱善久之洪武二年召充元史總裁官除翰林院學士知制誥兼修國史嘗問以帝王之學何書爲要

濂舉大學衍義乃命大書揭之殿兩廡壁項之御西廡諸大臣皆在帝指衍義中司馬遷論黃老事命濂

講析講畢因曰漢武溺方技繆悠之學改文景恭儉之風民力旣散然後嚴刑督之人主誠以禮義制心

則邪說不入以學校治民則禍亂不興刑罰非所先也問三代以上所讀何書對曰上古載籍未定人不

專講誦君人者兼治教之責率以躬行則衆自化嘗奉制牒應令七舉足即成有自古戒禽荒之言帝忻然曰卿可謂善陳濂之隨事納忠皆此類也九年進學士承旨典國史制誥如故濂自少至老未嘗一日去書卷于學無所不通爲開國文臣之首

陶安傳安少敏悟有大志博涉經史從者儒李習游元至正初舉江浙鄉試授明道書院山長

詹同傳同初名書幼穎異受易於甘楚材春秋於劉彭壽二人皆元季名士學由此大進太祖下武昌召

爲國子博士易名同時功臣子弟教習內府諸博士治一經不盡通同淹貫羣籍講易春秋最善應教爲

文才思泉湧太祖善之遷考功郎中直起居注論曰史貴直筆唐太宗命直書建成事以公天下予言行

汝當直書俾後世徵實同再拜受旨六年爲學士承旨兼吏部尚書上言陛下渡江已來征討平定之蹟

禮樂治道之詳雖有紀載尚未成書乞編日曆以傳後世帝從之命同與宋濂爲總裁官吳伯宗等爲纂修官逾年大明日曆成自起兵臨濂至洪武六年征

伐次第禮樂刑政羣臣功過四夷朝貢之類共一百卷藏之金匱副在祕書監同等又言日曆祕天府人不得見請訪唐貞觀政要分輯聖政宣示天下帝從

之同等乃分四十類自敬天至制蠻夷凡五卷名曰皇明寶訓嗣後凡有政蹟史官日記錄之隨類增入焉

朱升傳升少師同里陳樸復往學于九江黃澤歸讀書紫陽祠中舉元鄉薦會斷黃盜起隱居石門覃思

著書數避兵連竄未嘗一日廢

劉仲質傳仲質爲人厚重篤實博通經史文體典確不尚浮藻常當帝意焉

魏觀傳洪武五年出知蘇州府聘王彝高啓張羽輩訂經史課績爲天下最

曾魯傳魯年七歲能暗誦五經一字不遺奉禮郎簡正理欲以神童舉于朝其父不聽稍長日取三史記之尋及其餘凡數千年國體人才制度沿革無不能言者遂以文學聞于時

任昂傳昂字伯顯早有文譽元末舉進士隱居以經史自娛

朱善傳善字備萬豐城人九歲通經史大義能屬文元末隱山中著詩經解顧史輯洪武八年對廷試第一十八年擢文淵閣大學士嘗講家人卦心箴帝大悅

吳沉傳太祖下婺州召沉及同郡許元葉璜王胡翰汪仲山李公常金信徐肇童冀戴良吳履孫履張起敬會食省中曰令二人進講經史敷陳治道洪武初授翰林待制召侍左右論說經史

危素傳素少通五經遊吳澄范梈門皆折行輩與爲禮至正元年用大臣薦授經筵檢討修宋遼金三史及註爾雅成賜金不受由國子助教遷翰林編修纂后妃等傳事逸無據素買餽餅饋官寺叩之得實乃筆諸書卒爲全史

桂彥良傳金實開化人仁宗即位除衛王府長史爲人孝友敦行諳閱經史日有程限至老不輟

孔希學傳洪武元年十一月命希學襲封衍聖公立尼山洙泗二書院各設山長一人希學好讀書文詞

爾雅每賓客燕集談笑揮酒爛然成章建文二年卒子鑑襲嗣爵一年卒子彥縉襲宣德四年彥縉將遣使福建市書各禮部部臣以聞命市與之彥縉卒孫弘緒襲弘緒卒子聞韶襲正德三年以尼山洙泗二書院及鄒縣子思子廟各有祀事奏請弟聞禮主之帝授聞禮五經博士主祀事以衍聖公弟爲之著爲令兩書院各設學錄一人薦族之賢者充焉

開濟傳開濟字來學洛陽人洪武初以明經舉歷國子助教十四年御史大夫安然薦濟博通經史有吏治才召試刑部尚書踰年爲真

劉仕鉅傳父開開兄弟皆爲元官獨閉不仕著書終其身仕鉅少受父學扁所居日悠然晨夕讀書其中從游者日衆

王宗顯傳太祖改婺州爲寧越府以宗顯知府事宗顯故儒者博涉經史開郡學聘葉儀朱濂爲五經師戴良爲學正吳沉徐原等爲訓導自兵興學校久廢至是始聞絃誦聲

楊卓傳卓泰和人同邑羅性字子理博學有行誼洪武初舉于鄉授德安同知秩滿赴京坐擅用東木柴軍衣謫戍西安四方老師宿儒在西安者數十人吳人鄒奕曰合吾輩所讀書庶幾羅先生之半

方孝孺傳孝孺幼警敏雙目炯炯如電讀書日盈寸鄉人目爲小韓子年十四五從父宦遊齊魯間覽古聖賢遺跡慨然奮興自謂顏閔未可幾及使與游夏

同時豈復多讓世無孔子安所得師聞者異之洪武二十五年除漢中府教授日與諸生講學不倦蜀獻王聞其賢聘爲世子師每見陳說道德王尊以殊禮

名其讀書之廬曰正學建文帝即位召爲翰林侍講明年遷侍讀學士與董倫同侍經筵備顧問帝好文日與孝孺討論周官法度國家大政事輒咨之讀書有疑即召使講解臨朝奏事或命就御坐前批答時方修太祖實錄及類要諸書孝孺皆爲總裁更定官制孝孺改文學博士燕王稱兵北平廷議討之詔令檄諭皆出孝孺手成祖發北平姚廣孝以孝孺爲託日城下之日彼必不降幸勿殺之殺孝孺天下讀書種子絕矣成祖頷之至是使其門人論意孝孺怒斥之又召使草詔孝孺大書數字投筆於地且哭且罵

日死即死詔不可草成祖怒命磔諸市孝孺慨然就死作絕命詞曰天降亂離分孰知其由奸臣得計今謀國用猶忠臣發憤今血淚交流以此殉君兮抑又何求嗚呼哀哉今庶不我尤孝孺工爲文章醇深雄邁每一篇出海外爭相傳誦末樂中藏孝孺文者罪至死門人王稔潛錄爲侯城集成化中謝鐸等始編爲遜志齋集四十卷行于世

景清傳清本姓耿詵景真寧人個儻尚大節讀書一過不忘

卓敬傳敬穎悟過人讀書十行俱下終身不忘年十五讀書寶香山風雨夜歸迷失道得一兒馮之歸乃黑虎也

黃鉞傳鉞少好學家有田在葛陂鉞父令督耕其中鉞從友人家借書竊讀不廢

周是修傳洪武末舉明經歷紀善預翰林纂修其學自經史百家陰陽醫卜靡不通究

王璉傳璉字器之博通經史洪武末授寧波知府夜

理學彙編經籍典第四十八卷經籍總部

四鼓輒升堂秉燭讀書聲徹署外間詣學課諸生諸生率四鼓起誦習無敢懈

顧成傳成江都人燕王卽位論功封鎮遠侯其後承先嗣侯好文藏書萬餘卷已侯猶應科舉試七試不利嘗語人曰吾憑藉國恩冠蟬圍玉貴顯矣然使得列名賢書吾豈以彼易此其風尚如此

解縉傳洪武二十一年與兄綸同舉孝廉進士授中書庶吉士甚見愛重嘗侍書高帝前帝親爲持硯帝一日在大庖西室論縉族與爾義則君臣恩猶父子當知無不言縉遂立草萬言略曰陛下好觀說苑韻府雜書與所謂道德經心經者臣謂甚非所宜也說苑劉向所作多戰國縱橫之說韻府出元陰氏撰鄙細儒鈔輯蕪陋言無可采願集今之儒者臣請執筆隨其後上訴唐虞夏商周孔下及關閭濮洛之傳隨事類別刪其無益勒成一書上按經史備一代太平之制作又今六經殘缺禮記出於漢儒賾駁尤甚宜及時改定更訪求審樂之儒人集百王之典作樂書一經以惠萬世尊祀伏羲神農堯舜禹湯文武卓陶稷契夷益伊尹傳說箕子太公周公於太學而孔子則自天子至於庶人通祀以爲先師以顏曾思孟配自閔子以下各祭於其鄉魯闕里仍建叔梁紇廟贈以王爵以類路曾皙孔鯉配洗百世之因仍起昭代之文獻豈不盛哉又嘗爲王國用草諫書言伏羲聖思數對便殿申之慰諭重以錢賜令以十年著述冠帶來庭元史舛誤承命改修及踵成宋書刪定禮經凡例皆已畱中奉親之暇杜門纂述漸有次第金問傳問字公素兄聲好古嗜學問幼事之如嚴師

家無書輒轉借乞遂博洽經史

楊士奇傳宋樂二年選東官以士奇爲左中允進左諭德太子喜文辭贊善王汝玉以詩法進士奇曰殿下聽治暇當留意六經否則兩漢詔令可觀雕蟲小技不足效也太子稱善子導子叔簡折節向學博涉經史

楊榮傳燕王卽位累進侍講修列女傳成賜襲衣鈔幣已侍諸皇孫讀書文華殿講授有程度皇太子稱之十二年征瓦剌太孫侍行帝命榮以間陳說經史比還北京命修五經四書性理大全書成宴勞之留北京十六年太祖實錄成宴勞如初尋修天下郡邑志命榮總之十八年進文淵閣大學士明年定都北京會三殿災將及祕閣榮麾衛士使出圖籍制誥昇東華門外帝召榮褒賜之宣德三年帝北征榮獻詩十章又明年兩朝實錄成宴勞有加陳濟傳濟讀書過目成誦以父命如錢塘家人齋貨以從比還以其貲之半市書口誦手鈔十餘年盡通經史百家之言成祖詔修宋樂大典用大臣薦以布衣召爲都總裁而曾榮等爲之副詞臣纂修者及太學儒生數千人繕祕庫書數百萬卷浩無端倪濟與少師姚廣孝等數人發凡起例區分鈎考秩然有法執筆者有所疑輒就濟質問應口辨析無滯書成權右春坊右贊善謹慎無過皇太子甚禮重之凡稽古纂集之事悉屬濟隨事敷奏多裨益五皇孫皆從受經居職十五年而卒濟弟洽爲兵部尚書所居蓬戶葦壁裁蔽風雨終日危坐手不釋卷爲文根據經史不事葩藻

其後有陳繼者亦以布衣通經父死繼生甫十月遺書數萬卷母吳氏躬織以資誦讀比長貫申經學人呼爲陳五經楊士奇薦之召爲國子博士尋改翰林五經博士直弘文館備顧問

李時勉傳時勉名懋以字行成童時冬寒以衾裹足納桶中誦讀不已正統時爲祭酒六年列格致誠正四號訓勵諸生督令讀書燈火達旦書聲不絕人才盛于昔時

陳敬宗傳宋樂二年進士遷庶吉士進學文淵閣與修宋樂大典書成授刑部主事又與修五經四書大全再修太祖實錄授翰林侍講以內艱歸宣德元年起修兩朝實錄

陳祚傳祚天性嚴冷獨重里人邢力量隱於卜終身不要敝屋數椽或竟日不舉火其學自經史諸子及百家言無所不通

耿九疇傳正統初爲都轉運使節儉無他好退焚香讀書廉聲益振

楊繼宗傳憲宗時爲浙江按察使聞母喪惟攜一僕書數卷而還

徐琦傳幼力學通經史慶王器重之

徐有貞傳宣德八年進士授編修凡天官地理兵法水利陰陽方術之書無不諳究

薛瑄傳瑄性穎敏就塾授之詩書輒成誦日記千百言有讀書錄二十卷平易簡切皆自言其所得學者宗之給事中楊廉請頒讀書錄于國學俾六館誦習

且請祠名詔賜名正學

劉定之傳幼有異稟父髦舉于鄉不樂仕日授定之

書數千言不令作文一日偶見所爲記竈文大異之謂婦曰此子才一第不足多也正統元年會試第一殿試及第授編修憲宗立進直經筵定之請經筵兼講太祖御製諸書斥異端邪教勿令害正耗財定之以文學名嘗有中旨命製元宵詩內使却立以俟據案伸紙立成七言絕句百首又嘗一日草九制筆不停書有質宋人名字者就列其世次若譜系然人服其敏博

羅倫傳倫家貧樵牧挾書誦不輟年十四即授徒以資親養及爲諸生志聖賢學擢進士第一授翰林修撰後引疾歸以金牛山人跡不至築室著書其中四方從學者甚衆學者稱一峯先生

章懋傳歷福建僉事年四十一力求致仕既歸屏跡不入城府奉親之暇專以讀書講學爲事弟子執經者日益進稱爲楓山先生

鄒智傳智十二能文家貧讀書焚木葉繼晷如是三年舉鄉試第一

劉健傳天順四年進士授編修謝交游鍵戶讀書人以木強目之然諫習典故有經濟志

羅洪先傳洪先幼慕羅倫爲人年十五讀王守仁傳習錄好之欲往受業父循不可而止乃師事同邑李中傳其學嘉靖八年舉進士第一授修撰即請告歸十八年召拜左春坊左贊善明年疏請皇太子受朝賀時帝數稱疾大怒遂除名歸益尋求守仁學考圖觀史自天文地理禮樂典章河渠邊塞戰陣攻守下逮陰陽算數靡不精究

丘濬傳濬字仲深幼孤母李氏教之讀書過目成誦

家貧無書嘗走數百里借書必得乃已舉鄉試第一景泰五年成進士授編修見聞益廣尤熟國家典故成化中進侍講與修英宗實錄進侍講學士續通鑑綱目成擢學士遷國子祭酒進禮部右侍郎濬以真德秀大學衍義止述修身齊家事而于治國平天下闕焉乃博採羣書以補之書成適孝宗嗣位表上其書帝稱善特進禮部尚書掌詹事府事資金幣下詔刊行修憲宗實錄充副總裁弘治四年書成加太子太保尋命衆文淵閣大學士濬以行義補所載皆可見之行事請摘其要者奏聞下內閣議行之帝報可濬性嗜學既老右目失明猶披覽不輟

王鏊傳年十六隨父讀書國子監諸生爭傳誦其文鄉會試第一授編修杜門讀書避遠權勢後數典鄉試取士尚經術險詭者一切屏去

李敏傳敏字公勉襄城人景泰五年進士歷戶部尚書嘗築室紫雲山麓聚書數千卷與學者講習市地數十畝廬之及巡撫大同疏籍之于官詔賜名紫雲書院

楊守陳傳守陳字維新鄞邑人祖範有學行嘗誨守陳以精思實踐之學守陳受教作致知力行持敬三銘舉景泰二年進士改庶吉士授編修成化初充經筵講官進侍講英宗實錄成遷洗馬尋進侍講學士同修宋元通鑑綱目母憂闋起故官孝宗出閣爲東官講官時編文華大訓事涉宦官者皆不錄守陳以爲非備列其善惡得失書成進少詹事孝宗嗣位修憲宗實錄充副總裁

吳寬傳寬字原博成化八年會試廷試皆第一寬自

守以正於書無不讀詩文有典則劉壘傳嘉靖二十二年再被命督漕中議被劾罷歸裝蕭然書數卷而已

吳廷舉傳廷舉好薛瑄胡居仁學尊事陳獻章居歛隘亡郭外田有書萬卷

豐熙傳世宗即位上恭穆獻皇帝諡熙等疏諫遣成福建鎮海衛撫處之恬然日以讀書爲事

薛惠傳惠持已峻潔于書無所不讀學者稱爲西原先生

桂萼傳萼以經濟自命所論奏帝王心學論皇極論易復卦論禮月令論及進禹貢圖與地圖說皆有裨君德時政性猜很好排異己以故不爲物論所容霍韜傳正德九年會試第一謁歸成婚讀書西樵山經史淹洽

王守仁傳守仁謫龍場窮荒無書日繹舊聞

李本傳家居十二年窮載籍師王守仁良知之訓乃悔其舊學

林春傳春泰州人世軍家至春始讀書實甚幾廢書者數矣嘉靖會試第一

唐順之傳順之于學無所不窺大則天文樂律地理兵法小則弧矢勾股壬奇禽乙莫不究極原委盡取古今載籍剖裂補綴區分分居爲左右文武儒釋六編傳于世

趙時春傳時春讀書強記與唐順之王慎中齊名葉應聰傳應聰正德十二年進士歷吉安知府敦行誼好著書數更患難氣不挫

楊名傳黃直字以方受業于王守仁適楊名下獄直